

欽定四庫全書

子部

證類本草卷十五至十八



北京中醫藥大學圖書館版權所有

大正四年五月

證類本草

證類本草

證類本草

八種藥分佈

唐慎微撰

證類本草

一種唐慎微續補

墨蓋子下是

一十種陳藏器餘

凡墨蓋子已下並唐慎微續證類

髮髮

亂髮

人乳汁

頭垢

人牙齒

齒逆續注元附天靈蓋條下今分條

耳塞

元附天靈蓋條下今分條

人屎

東向廁周圍溺坑中青泥附

人溺

溺白塗

婦人月水

浣禪汁

人精

懷妊婦人爪甲已上六種並元附人尿條下今分條

天靈蓋附今人髭

一十種陳藏器餘

人血 人肉 人胞

婦人禪襠 人膽 男子陰毛

死人枕 夫衣帶 衣中故絮

新生小兒臍中尿

髮髮被音味苦溫小寒無毒主五癰關格不通利小便水

道療小兒癇大人瘥仍自還神化合雞子黃煎之消為

水療小兒驚熱

陶隱居云李云是童男髮神化之事未見別方今俗中娘母為小兒作雞子煎

用髮雜熬良久得汁與兒服去痰熱療百病而用髮皆取其父梳頭亂者爾不知此髮髮鬻是何物且髮字書記所無或作蒜音人今呼班髮為蒜髮書家亦呼亂髮為鬻恐髮即舜音也童男之理未或全明唐本注云此髮髮根也年久者用之神効即髮字誤矣既有亂髮及頭垢則闕髮明矣又頭垢功劣於髮髮猶去病用陳久者梳及船茹敗夫翁蒲席皆此例甄立言作懸音懸亦髮也字書無髮字但有髮鬻髮髮美貌作丘權音有聲無質則髮為真者也臣禹錫等謹按蜀本云本經云仍自還神化李云神化之事未見別方按異苑云人髮變為鰾魚神化之異應此者也日華子云髮溫止血悶血暈金瘡傷風血痢入藥燒灰勿令絕過煎膏長肉消瘀血

也

陳藏器云

生人髮掛菓樹上烏鳥不敢來食其實又人逃走取其髮於緯車上却轉之則迷亂

不知所
通矣

雷公云

凡使之是男子年可二十已來無疾患顏貌紅白於頂心剪下者髮是凡於丸散膏中先用苦

參水浸二宿漉出入瓶子以火服之令通赤放冷研用

肘後方

治石淋燒灰水服之良

傷寒類要

治黃取燒灰水服一寸七日三

衍義曰

髮髮與亂髮自是兩等髮髮味苦即陳舊經年歲者如橘皮皆搗也而取其陳者狼毒麻黃吳

茱萸半夏枳實之類皆須陳者謂之六陳入藥更良敗
蒲亦然此用髮之義耳今人又謂之頑髮其亂髮條中
自無用髮之義此二義甚明亦不必如此過為搜索右
以亂髮如雞子大無油器中熬焦黑就研為末以好酒
一盞沃之何首烏末二錢同勻攪候溫唯之下
咽過一二刻再嚥治破傷風及沐髮中風極效

亂髮微溫主欬嗽五淋大小便不通小兒驚癇止血臍

衄燒之吹內立已

陶隱居云此常人頭髮爾與髮髮療
體相似唐本注云亂髮灰療轉胞小

便不通赤白痢噎噎聾衄癰腫狐尿刺尸疰丁腫脊疽
雜瘡古方用之也臣禹錫等謹按藥性論云亂髮使味
苦能消瘀血關
格不通利水道

外臺秘要

治霍亂煩燥燒亂髮如雞子大
鹽湯三升和服之下止再服

千金方

小兒驚啼燒亂髮灰酒調服之

又方

治無故遺血亂髮及爪甲燒灰酒服方寸匕

肘後方

治黃疸燒亂髮灰水調服一錢匕日三服秘方

又方

女勞疸身目皆黃發熱惡寒小腹滿急小便難內大熱大勞交按後入水所致亂髮如雞子大猪脂

半斤煎合

盡分二服

經驗方

孫真人催胎衣不下亂髮頭髮結擦喉口中

又方

孩子熱瘡亂髮一團梨許大雞子黃煮熟二物相和於銚子內炭火上熬初甚乾少頃髮焦遂有液

出旋取置一甕盛中以液盡為度取此液傳熱瘡上即以苦參粉粉之予在朗州生子在蓐中便有熱瘡出於

屬腿間初以他藥傅無益加劇蔓延半身狀候至重盡夜啼號不乳不睡予閱本草見髮髮云合難子黃煎之消為水治小兒驚癇熱注云令俗中娘母為小兒作雞子煎用髮雜熬良久得汁令小兒服去痰熱治百病凡用髮皆取梳頭亂者又檢雞子云治火瘡因而用之果驗已後用之無不差矣

梅師方

治鼻中出血眩冒欲死燒亂髮細研水服方寸匕須臾更吹鼻中

斗門方

治汁血用頭髮灰一字吹入鼻中即止

簡要濟衆

治小兒重舌欲死以亂髮灰細研以半錢傅舌下日不住用之

姚氏

治食中誤吞髮統喉不出取已頭亂髮燒作灰服一錢匕水調

又方

治大小便不通燒亂髮末三指撮投半升水中一服孫真人同

子母秘錄

治尸症燒亂髮如雞子大為末水服之差

又方

治小兒驚口兩角生瘡燒亂髮和猪脂塗之

又方

治小兒斑瘡豌豆瘡髮灰飲汁服三錢匕

產書

治大小便利血灰研如粉飲下方寸匕

服氣精義方

劉君安曰欲髮不脫梳頭滿千遍

蘇學士云

亂髮露蜂房蛇蛻皮各燒灰每味取一錢匕酒調服治瘡口久不合神驗燒灰須畧存性

老唐云

取自己亂頭髮洗淨乾每一兩入椒五十粒泥封固入爐大火一煨如黑糟細研酒服一錢匕

鬚髮

長黑

衍義

文具髮
髮條下

人乳汁主補五藏令人肥白悅澤

陶隱居云張倉常服人乳故年百歲餘肥

白如瓠唐本注云別錄云首生男乳療目赤痛多淚解
獨肝牛肉毒令鼓濃汁服之神效又取和雀屎去目赤
勞肉臣禹錫等謹按蜀本云人乳味甘平無毒日華子
云人乳冷益氣治瘦悴悅皮膚潤毛髮點眼止淚并療
赤目使之
明潤也

聖惠方

治卒中風不語舌根強硬陳醬五合三年者
妙人乳汁五合二件相和研以生布故取汁

不計時候少少
與服良久當語

千金方

治月經不通飲
人乳汁三合

金匱方

取蛇牛肉殺人何以知之噉蛇者毛髮向後順者是也食之欲死飲人乳汁一升立愈

衍義曰

人乳汁治目之功多何也人心生血肝藏血肝受血則能視蓋水入於經則其血乃成又曰上

則為乳汁下則為月水故知乳汁則血也用以點眼豈有不相宜者血為陰故其性冷藏寒人如乳餅酪之類不可多食雖曰牛羊乳然亦不出乎陰陽造化而西戎更以馳馬乳為酥酪老人患口瘡不能食欲人熟乳良頭垢主淋閉不通陶隱居云術云頭垢浮針以肥膩故爾今當用悅澤人者其垢可丸又主噎亦療勞傷臣禹錫等謹按藥性論云頭垢治噎酸漿水煎膏用之立愈日華子云溫治中蠱毒及葷毒米飲或酒化下並得以吐為度

外臺秘要

傷寒病欲令不勞復頭垢燒水丸如梧桐子大飲服一丸

千金方

治百邪鬼魅水服頭垢一小豆大故臑頭中無毒天行勞復渴浸取汁煖服一升

又方

主食自死鳥獸肝中毒取故頭巾垢一錢已熱湯中煖服之三年頭帶主卒心痛沸湯取汁飲以頭帶於閑處攪覆之同時

開愈頭帶即縛髻帶也

肘後方

大咬人重發瘡以頭垢火許內瘡中以熱牛屎傳之

葛稚川

胎繫脣以頭垢傳之

梅師方

治馬肝殺人取頭垢一分熟水調下

錢相公篋中方

治蜈蚣咬人以頭垢臑和苦參末酒調傳之

劉涓子

治竹木刺有肉中不出以頭垢塗之即出

傷寒類要

傷寒天行病後勞復含頭垢如棗核大一丸

服氣精義云

劉君安燒已髮合頭垢等分合服如大豆許三九名曰還精令頭不白

人牙齒平除勞治瘡蟲毒氣入藥燒用

齒塗溫和黑蟲研塗出箭頭并

惡刺破

癰腫

葛稚川

治乳癰取人牙齒燒灰細研酥調貼癰上

李世勣

治箭頭不出及惡刺以齒塗和黑蟲研塗之

耳塞溫治顛狂鬼神及嗜酒又名腦膏泥丸脂

已上二種新分

條見日

華子

人尿寒主療時行大熱狂走解諸毒宜用絕乾者搗末
沸湯沃服之

東向圖

音青

廁溺坑中青泥療喉痺消癰腫若已有膿即

潰

陶隱居云交廣徠黯人用焦銅為箭鏃射人纔傷皮便死惟飲糞汁即差而射猪狗不死以其食糞故也

時行大熱飲糞汁亦愈今近城寺別塞空罌口內糞倉
中積年得汁甚黑而苦名為黃龍湯療溫病垂死皆差
唐本注云人尿主諸毒卒惡熱黃悶欲死者新者最效
須與水和服之其乾者燒之壺絕水漬飲汁名破棺湯
主傷寒熱毒水漬飲彌善破丁腫開以新者封之一日
根爛臣禹錫等謹按日華子云糞清冷臘月截淡竹去
青皮浸滲取汁治天行熱狂熱疾中毒并惡
瘡毒取汁服浸皂莢甘惡治天行熱疾

外臺秘要

治小兒陰瘡
燒灰傳之差

又方

治骨蒸熱非其人莫浪傳取屎乾者燒令外黑內
水中澄清每旦服一小升薄晚小便服一小升以
差為度既常服新作大坑燒三升夜以水
三升清之稍稍減服小便用童子者佳

千金方

治產後陰下脫人屎炒令
赤以酒服方寸匕日三

又方

治山中樹木菌
毒以糞汁服之

又方

治蛇咬以屎厚傳
上後帛裏之即消

又方

治人癲狂不識人
燒屎灰以酒服之

又方

治鬼舐頭取兒糞
臘月猪脂和傳

肘後方

治發背欲死燒尿作灰醋和如泥傅腫處乾即易良

斗門方

治熱病及時疾心躁狂亂奔走狀似癲癇言語不定人不得汗及時疾不知人事者以人中黃

不限多少入大錐內以泥固濟大火煨半日去火候冷取出於地上以盆蓋之又半日許細研如麪新汲水調下三錢或未退再作差

姚氏方

毒箭有三種交廣夷州用焦銅作箭鏃嶺北諸處以蛇毒螫物汁著筒中漬箭鏃此二種纔傷

皮便洪膿沸爛而死若中之便飲屎汁并以傅之亦可療惟此最妙又一種用射筒以塗箭鏃人中之亦困若著實處不死近腹亦宜急療今葛氏方是筒射者耳

又方

食醬肉漏脯此並有毒燒屎灰酒服方寸匕